

EW NOMOPUNG

A EKKESIWINI EWE MONIEN ANGANGEN MUUN FONU NON CHUUK, REN AN EPWE PWAN KAPACHENONG MONIEN AR KEWE PROJECT; A ATAENO EWE MONIEN ANINNISIN PONISIN MUUN FONU, ATENO EWE PROGRAMEN GRANT-IN-AID, PWAN EWE MONIEN ANINNISIN KUK, A PWAN AWORA UKUKUN IPUKU NIME ME TIWU NGOROU CHANA (\$159,000), ME PWAN REN EKKOCH POPUN.

EPWE PUNG ME REN EWE TRUK DISTRICT LEGISLATURE PWE:

Tetten 1. EKKESIWIN. Tetten 81, 82, 83 84 me ewe Itenapen Sopun 4, non Itenap 23, me non ewe Truk District Code, a foraata ewe Monien Angangen Muun Fonu non Chuuk, iei a ekkesiwin ren an epwene iei usun kapasa:

"Sopun 4MONIEN ANGANGEN MUUN FONU ME AR PROJECT

TETTEN

81. Forutaan

82. Tumunun Moni

83. Repottun

84. Einetin Moni

Tetten 81. Forutaan. Iei a foruta ew Monien Angangen

Muun Fonu me Ar Projects, ren fan asengesin an epwe awora monien angangen me mwokutukutun ekkewe muun fonu non Chuuk, pwan monien an muun fonu kewe projects me programs. Esap nap seni faik prosentini ewe ukukun moni mei katou ngeni ew municipality epwe nounou ngeni niwinin nouwiisin me choon angangen ewe municipality, ren ar fori mwokutukutun wiser me ar angang. Esap wor emon nouwiis ika choon angangen ewe municipality, i mei pwan emon choon angangen Muun Trust Territory, epwe tongeni niwin seni ei moni, nupwen fansoun an fori angangen ewe municipality non chok pwan kunokun an angangen Muun Trust Territory. Esap pwan wor emon nouwiis ika choon angangen ew municipality epwe tufichin angei niwinin nap seni ew wiis me non ewe municipality.

Tetten 82. Tumunun Moni. Ewe Samonun ewe Muun Fono, -iei a mumuta ngeni an epwe wisen tumunu mwokutukutun me nounoun ei moni, fiti pungun met ar annukun Muun Fonu ren amwokutun ewe moni a affat. Ewe Annukun Muun Fonu epwe affatta ukukun

moni epwe tou ren niwinin nouwiis me choon angang, me pwan moni tou ren pisekin offes me nouwiis ika choon ngang, epwe pwan affatta menni sakkun project me program epwe kawor monian, epwe chok fiti pungun ei Sopun. Fansoun an a katonong echo taropwen pwarata me ren ewe Samonun Muun Fonu, pwe ewe annukun Muun Fonu a fen poputa pochokunan, iwe ewe District Treasurer epwene tongeni poputa ne monaau ewe moni ngeni ewe Municipality ren fite ukukun wisan mei foruno me non ei annuk. Ei moni epwe tottoou ngeni ew me ew municipality iteiten ew-na ruwanuwen ew ier.

Tetten 83. Repottun. Ewe Samonun Muun Fonu awora repottun nounoun me mwokutukutun ewe moni, fiti kapin an we annukun muun fonu mei awora ika affata napanapen nounoun me katoun ewe moni, non ika mwen May 1, non ewe Fiscal Year mei kawor ewe moni ren. Ekka municipality ese fori pungun ei Tetten, esap tongeni tufichin angei wisan me non ei moni non ewe ier epwe tapweto murin, tori ewe fansoun an we repoot a katonong ngeni ewe Legislature, pwan ketiw me reen, ika me ren ew an kewe committee mei wenengenil

Tetten 84. Einetin Moni. Inetin ewe moni woon ekkewe muun fonu epwe chok fiti met ewe annukun kaworen moni seni Legislature a anapanapa ren wisen ew me ew ekkewe muun fonu, ren an epwe anongonong woon ekkei:

<u>Choochoon Aramas</u>	<u>Wisan</u>
1. 100 ika kisiseni	\$ 1,000
2. 101 feita won 200	1,500
3. 201 ngeni 300	2,000
4. 301 ngeni 400	2,500
5. 401 ngeni 500	3,000
6. 501 ngeni 600	3,500
7. 601 ngeni 800	4,500
8. 801 ngeni 1,000	5,500
9. 1,001 ngeni 1,500	7,000

10. 1,501 ngeni 2,000	\$ 8,000
11. 2,001 ngeni 3,000	9,500
12. 3,001 ngeni 5,000	12,500
13. 5,001 ngeni watteta	15,000"

Tetten 2. Kaworen Moni me Inetin. Iei a kawor ukukun ipuku nime me tiw chana (\$159,000), seni ewe Monienapen Legislature, ren fan asengesin monien Angangen Muun Fonu me ar Project. Ei moni mei kawor epwe einet ngeni ekkewe municipality non ei napanap:

<u>Fonu</u>	<u>Wisan</u>
1. Fananu	\$ 2,000
2. Magur	1,000
3. Murilo	2,000
4. Nomwin	2,500
5. Onari	1,000
6. Ono	1,000
7. Pesarach	1,500
8. Pulap	2,500
9. Pulusuk	2,500
10. Puluwat	3,000
11. Ruwo	2,000
12. Tamatam	1,500
13. Ulul	2,000
14. Ettal	2,500
15. Kuttu	4,500
16. Losap	5,500
17. Lukunor	4,500
18. Moch	4,500
19. Nama	7,000
20. Namoluk	2,500
21. Oneop	4,500
22. Pis-Losap	2,500
23. Satawan	4,500
24. Ta	2,000
25. Dublon	9,500

FONU

WISAN

26. Eot	\$ 2,500
27. Fanapages	2,500
28. Fefan	9,500
29. Moen	15,000
30. Parem	2,000
31. Patta	5,500
32. Uman	9,500
33. Polle	5,500
34. Romalum	2,500
35. Tol	12,500
36. Tsis	2,000
37. Udot	7,000
38. Wonei	4,500"


Tetten 3. Niwinsefanin Moni. Met ukukun nussun ei moni mei kawor, esemwo it ne nounou ika nussuno tori non September 30, 1977, epwe niwinsefaniti ewe Monienapen Legislature.


Tetten 4. Katano. Sopun 7, Itenap 23, me non ewe Truk District Code, a forata ewe Monien Aninnisin Ponisin Muun Fonu, iei a katano non unussan meinisin.

Tetten 5. Katano. Sopun 5, Itenap 23, me non ewe Truk District Code, fan asengesin ewe Program Grant-In-Aid non Chuuk, iei a pwan katano non unusan meinisin.

Tetten 6. Katano. Sopun 7, Itenap 15, me non ewe Truk District Code, a forata ewe Aninnisin Kuk, iei a pwan katano non unusan meinisin.

Tetten 7. Poputaan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winiti ew annuk, inamwo ika ewe Kepina esemwo chiwen apunganno.

Sain seni: 
Koichi Sana, Speaker
Truk District Legislature

Annatata: 
Datsy Albert
Legislative Clerk/Secretary
Truk District Legislature

Pwinin maram: 7/13/76

A kopungunno seni: 
Mitaro S. Danis
District Administrator, Truk

Pwinin maram: July 23, 1976